

Got mit dez heyligen geistechraft

Da er mit vbers wazzer chomen

Alz ir habt alhie vernomen

Do sprach got ez werd ein lieht
Daz wart gesaw met lenger nicht
Edaz sein gepot geschach

Do got daz lieht so gut gesach

Daz lieht er von der vinstre riet

Vinstre vnd lieht er schiet

Daz lieht hiez er den tag

Diu zeit inder diu vinstre lag

Wart diu nacht von ym genant

Zehant wart ein tag erchant

Vnd abent nach dem morgen

Daz e waz ie verporgen

Daz wart do geoffen baret

Vnd ge ebenmazer ist der tag

Dein tag indem dy zeit gelag

Vnd diu selb perndiu stant

Daz sant gabriel tet chont

Vnser frawen daz sy solde

Werden swanger vnd ir wolde

Der gotes sun ze muter gern

Vnd daz sy solde gepern

Durch dez hohsten gotes gepot

Ir sun der mensch vnd got

Do schied diu gotleich macht

Von dez vngelauben nacht

Dez ewichleichen lichtes schein

Do er durch dy genad sch sein

Vns troste er wolt chomen zu vns

In der menschant irs suns

Vnd von dem tod vns in daz leben

Laden vnd vns daz widergeben

Diez ist ein sevl der weishant

Der diu weishant sibem snayt

Mit irem gotlichem snayt

Vnd ir haus vnd fact do mit

Diu geschepfde geschach

Got vnser schepfer do sprach

Gepietend im horet wie

Ein firmament werd h

Zwischen den wazzern vanden

Diu wazzer sulen sich schaiden

Daz waz alz sein gepot geriet

Diu wazzer er von ein and schiet

Daz der firmament do

Ward dy schaident also

Daz darob vnd darunder

Sich schaiden albesunder

Daz geschach alda zehant

Daz firmament wart genant

Der hymel alz daz ergie

Do wart morgen vnd abent hie

Do mit cham der ander tag



Alhie beschuf got dy peng in di parvi

Dem got auch sonder name do mag

mit dem tag bezeichent ist

Der tag daz vnser herr christ

Von der magt wart geporn

Do er zu muter het erhorn

Daz wazzer sich von wazzer schriet

Vnd daz got dy wasser schiet

Vnd daz er wolt sündern

Dy oben von den vnder

Daz merchet an die gotes chraft